

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
ՈՐՈՇՈՒՄ թիվ 422360/06

ՎԱՐՉԱԿԱՆ ԻՐԱՎԱԽԱՆՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա. Մնացականյանս, ուսումնասիրելով 27.05.2020 թվականի թիվ 13188 վարչական իրավախախտման վերաբերյալ արձանագրությունը, քննելով թիվ 13188 վարույթը և կից նյութերը,

ՊԱՐԶԵՑԻ

Ա/Ձ Արմեն Գրիշայի Ամիրաքյանը /ՀՎՀՀ 35123343, հասցե՝ ք. Երևան, Մանթաշյան 4/4-36, անձն. տվյալներ՝ 010527216, ՀԾՀ՝ 1607840510/ համաձայն «Կուտակային կենսաթոշակների մասին» ՀՀ օրենքի 14-րդ հոդվածի՝ ՀՀ հարկային օրենսգրքի 156-րդ հոդվածի 4-րդ մասի 2-րդ կետով սահմանված ժամկետում հարկային մարմին չի ներկայացրել 2019 թվականի անհատ ձեռնարկատիրոջ և նոտարի սոցիալական վճարի հաշվարկը, որի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 169՝ հոդվածի 2-րդ մասով:

Պատշաճ ծանուցված լինելով արձանագրության կազմման վայրի և ժամանակի մասին կողմը ներկայացրել է դիմում այն մասին, որ ՊԵԿ տեղեկատվական համակարգի իր անձնական էջում ԿԿՎ կարգավիճակը եղել է սոցիալական վճար կատարող չէ, որի պատճառով էլ չի կարողացել հանձնել 2019 թվականի անհատ ձեռնարկատիրոջ և նոտարի սոցիալական վճարի հաշվարկը՝ խնդրելով վարչական տուգանք չկիրառել:

Կողմը ներկայացրել է նաև հաշվետվությունների ներկայացման էլեկտրոնային համակարգից արտատպված հարկային հաշվառման տվյալներ էջը, որտեղ «ԿԿՎ մասնակցության կարգավիճակը» տողի դիմաց նշված է «սոցիալական վճար կատարող չէ», մինչդեռ «Կուտակային կենսաթոշակների մասին» ՀՀ օրենքի 5-րդ հոդվածի 1-ին մասին համաձայն՝ Հայաստանի Հանրապետությունում սոցիալական վճարներ են կատարում 1974 թվականի հունվարի 1-ին և դրանից հետո ծնված վարձու աշխատողները, նոտարները, անհատ ձեռնարկատերերը:

Վարույթի շրջանակներում կատարված ուսումնասիրությամբ հայտնի է դարձել նաև, որ 27.05.2020 թվականի դրությամբ 2019 թվականի անհատ ձեռնարկատիրոջ և նոտարի սոցիալական վճարի հաշվարկը ներկայացվել է, որից առաջացած հարկային պարտավորությունները վճարվել են:

Նկատի ունենալով, որ Արմեն Ամիրաքյանը, ՀՀ օրենսդրության համաձայն հանդիսանալով սոցիալական վճար կատարող, հնարավորություն չի ունեցել ներկայացնելու սոցիալական վճարի հաշվարկը տեխնիկական խնդրի պատճառով, հետևաբար սույն գործով բացակայում է վարչական իրավախախտման կազմը, ուստի ղեկավարվելով Վարչական իրավախախտումների վերաբերյալ ՀՀ օրենսգրքի 244², 247 հոդվածի 1-ին մասով, 281 հոդվածներով և 282 հոդվածի 2-րդ կետով՝

ՈՐՈՇԵՑԻ

Կարճել Արմեն Գրիշայի Ամիրաքյանի վերաբերյալ հարուցված թիվ 422360/06 գործի վարույթը:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

Ա. ՄՆԱՑԱԿԱՆՅԱՆ

Ծանոթություն.

Վարչական իրավախախտման վերաբերյալ գործի որոշման դեմ գանգատ կարող է տրվել հորշումն ընդունելու օրվանից հետո երեսուն օրվա ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել գանգատը քննելու համար իրավագոր մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում:

Մասնակցեցի գործի քննությանը, որոշման վերաբերյալ առարկություններ չունեմ

(ստորագրություն)

Ստացա որոշման պատճենը